



QUÆSTIO MEDICA
CARDINALITIIS DISPUTATIONIBUS
MANE DISCUTIENDA
IN SCHOLIS MEDICORUM,

Die Jovis 28. Aprilis.

M. PHILIPPO HARDUINO DE S. JACQUES.
DOCTORE MEDICO, PRÆSIDE.

Est. ne sanguinis motus circularis impossibilis?

I.

CIRCULARIS motus verus, simplex & perfectus ad ^{quod} pertinet, cujus species statuuntur motus rectus & circularis: qui simplices dicuntur quia fiunt super magnitudine simplici, rectâ vel circulari, quæ secundum omnes sui partes est uniusmodi, vel omnino rectâ, quæ ab uno puncto ad aliud quam brevissimè porrigitur, vel totâ æqualiter curvâ, qualis est orbicularis, cujus omnes lineæ à centrô ad peripheriam ductæ inter se sunt æquales. Qui motus simplices corporibus duntaxat simplicibus competunt, cælo & elementis: mixtis autem corporibus motus mixti conveniunt: sanguis ideò more mixtorum pro ratione dominantis elementi sursum fertur aut deorsum, ^{κατασφοδριζέας} nunquam, cum motus orbis solis cælis congruat. Motus simplices rectus & circularis sunt merè naturales, utpote qui fiunt à naturæ impetu citrà notitiam ullam, proindeque animalibus convenire non possunt, quæ tantùm ab externô agente circumvolvuntur, ut in rebus mixtis artificialibus evenit, quæ in orbem sæpe torquentur & in gyros flectuntur. Corpora mixta quia ignobiliora secundum naturam circulum motu suò non describunt, quoniam circulus plana-

rum figurarum primâ circumferentiâ constans perfectâ, à solis orbium cælestium motibus designatur. Artifices naturalem cælorum constructionem imitantes, corporibus affibrè factis figuram rotundam inducunt, ut inde commodius motum, qui circulo peragitur efficiant. Mixta motum in circulum ductum præstare non valent, nisi motus ille à cognitione dirigatur, qui animalis est & non merè naturalis. Ita peragitur in femore rotatio, sic in orbem brachium cietur à musculis successivè agentibus, & femur circumagitur. Sanguis *μικροσκοπος* esse nequit, quia ex quatuor elementis conflatur, discrepantia & opposita principia moventia continens, gravia & levia: non rectâ fertur sed obliquè & ad latera, ob reluctantiam contrariorum, & quoniam venæ atque arteriæ quas sanguis præterlabitur, non sunt in circulum dispositæ, spiritus & humores per eos canales in orbem ferri nequeant, ita ut influentium corporum motus circulum referat. Sanguis in hepate è chylogenus, postquam perfectionem omnimodam adeptus est, ab eo recreatur & satiatum jecur veluti nauseabundum in venam cavam deponit, quia illi restaurato est oneri, ut inde in universum corpus corriveretur, per ascendentes & descendentes venæ cavæ tubulos dextros, sinistros, anticos, posticos, ad partium omnium nutritionem, sensimque per capillares venas in corporis habitum transit gressu testudineo, atque etiam cordi per venæ cavæ ostium communicatur ad spiritus & sanguinis vitalis generationem, nullam circularem figuram describens. Calidi nativi motus diversi sunt orbiculares nunquam: per somnum, vigiliam, per hyemem, æstatem, ob corporis motiones, & animi perturbationes, propter duras frictions, ligaturas comprimentes, urgentes dolores, auctum calorem, evacuationem luculentam, situm declivem. Citatiore motu fertur sanguis à causis internis & externis agitur, nunquam in circum: nec unquam rapido motu cietur, in statu naturali constitutus, sed cochleæ in morem procedit patrim attractus à partibus conveniens sibi alimentum pellicientibus, partim impulsus à venis in eum finem fibris transversis præditis, & rectis ad attractionem, neque etenim venæ solum continent sanguinem beneficio fibrarum obliquarum, eumque conservant, sed insuper à vicinis attrahunt, & in alias transmittunt ad anadosim promovendam.

II.

NE quidem pseudocyclosis sanguini convenire potest, qua ab uno loco, puta corde, recedens sanguis per arterias in venas protrusus, per eandem in idem punctum nimirum cor, redire jocose fabulatus est harveius toto divisus orbe Britannus. Eum fictitium sanguinis motum circulationis nomine donant ejus opifices, acyrologia utentes, cum iste motus imaginarius obliquus, tortuosus, & flexuosus ambagibus implexus sit, vero circulari motui è diametro oppositus. Ab illa adulterina cyclophoria, multiplicita damna exurgunt. Cor viscus omnium nobilissimum, servili muneri mancipatum, vitiosos omnes humores transmitteret; Siphylidis materiam, Lepre, Elephantiasis, scabiei, impetiginis, rabiei, Scorbuti, affectuum Hypochondriacorum, abscessuum, febrium omnium, etiam interpolata.

rum, non sine maxima læsione, quæ plerumque lethalis existeret, cum à quavis maligna aut ad cor appellente lipothymia excitetur. Quomodo pulmones teneri & molles immunes erunt à labe & virulenta istorum humorum qualitate? Quoniam pacto hepar sanguinem laudabilem generaret venenatis humoribus infectum? Spiritus vitales inquinarentur, animales vitarentur, omnes functiones inturbarentur, naturales, virales, animales. Solem de mundo plane tollere videntur, cor de microcosmo sisyphidæ: cum illud non solum ollæ coquinariæ, sed cloacæ atque sentinæ æquiparant, quod sapienter Medici contra è cloaca arcem faciunt. Posita illa sanguinis in gyrum flexione, nulla febris erit intermittens, exulabit atteriotomia si idem sanguis in venis & arteriis contineatur. Inutilis erit phlebotomia, nec amplius plethoræ erit remedio, quam expungunt circanæ avis æmuli temperando sanguini, revellendo, derivando profus effertineficax: perinde erit quæ vena secetur in pleuritide, & alia qualibet inflammatione, cum sanguis universus perenni motu ad cor refluat, quia circulari motui nullus adversatur: nulla habebitur ratio lateris affecti, nulla rectitudinis fibrarum. Refrigerationi sanguinis neutiquam inserviet, cum denuo per rotatilem illum motum in corde calefieri debeat, & minori reddita per venæ sectionem sanguinis quantitate pluries versoriam capiet, ut à putredine sanguis vindictæ repetitis circumvolutionibus, putridis proinde febribus in venæ sectione nihil amplius erit præsidij, nec crudis existentibus humoribus, quia versorio illo motu recoquantur. Purgatio admissio isto errore phanatico vix ac ne vix quidem morbis expugnandis accommodari poterit: quoniam rapidus sanguinis motus coctionem impedit, quæ quierem efflagitat, secretionem & excretionem humoris peccantis interpellabit, & catharticum circulum illum absolvens effectum redderetur, aut taracticum. Evanida erunt alloiотica, & reliqua medicamenta. Aquæ metallicæ vires suas deponent rotatilem illum cursum absolventes. Serum in isto ahenò amplius calefactum acrius reddetur, majori cum ferocia articulos impetiturum, unde graviores erunt attritides, & atrociore rheumatismi. Sola *è mortuæ* citationis istius in gyrum flexionis imperum effugerent. Sicque Medici inermes reddentur, totum in sanandis agritudinibus naturæ negotium committentes. Quæ istius rotationis beneficio omnium erit morborum medicatrix, Medicus autem spectator erit otiosus armis suis spoliatus solis veneficis protervus iste orbicularis sanguinis flexus favebit, qui nuncquam exhibito toxico suo sine frustrabuntur.

III.

AXIOLOGON sanguinis quantitatem è corde in arterias fingunt erumpere singulis pulsationibus, tantam qua possint ab ea impulsæ salire: quæ cum ab assumptis eduliis eupeptis & polytrophis in homine sano & eufarco suppeditari nequeat, necessario egressus à corde in arterias sanguis jugiter per venas ad cor recurrit, perennis ejus pulsationis conservandæ gratia. Ist hæc anicularum deliramentis proxima, non phanatica ut solent, sed sensibilia pessundant argumenta, deprompta à plethora,

seu æquabili humorum omnium laudabilium & alimentitiorum redundan-
tia: ab accretione, quæ fieri non potest nisi copiosius alimentum appellat
ad partes quam requiratur ad triplicis substantiæ effluviū resarciendum:
ab hæmorrhoidali in viris sanguinis fluxu periodico, qui certo demonstrat
abundantiorem ab hepate generari sanguinis quantitatem, quam partibus
omnibus alendis & cordi sufficiat. Supposita illa supposititia esse procla-
mant menstruæ mulierum evacuationes. Infantis in utero nutritio & incre-
mentum, eo magis cum ejus ergastulis gemelli continentur. Nutrices item
lacte diffuentes, & duos interdum infantes lactantes, hypothesim illam
ἀδύνατον esse declarant. Quæ insuper post adimpleta muliebria munia in-
crementum quoad crassitiem & molem ampliorem acquirunt etiam post
trigesimum ætatis annum. Et semen quod in maribus & feminis genera-
tur ex residuo alimenti & redundanti sanguine, cujus magnam copiam ut
& spirituum ad sui procreationem requirit, basim illam harverianam fun-
ditus evertit, & *ἀδύνατον* & *ἀπομάζον* ejus placitum declarat. Pauxillus san-
guis in sinistro cordis specu continetur, cujus portio exigua explosa omnes
arterias impellendo dilatare non potest. Unum sanguinis granum in corde
beneficio caloris rarefactum in eam excrefcit amplitudinem quæ sinistram
cordis cavitatem repleat atque distendat, & pluribus pulsationibus suffi-
ciat. Ex una aquæ gutta rarefacta, decem æris rarefactione extensi partes
exurgunt, quæ decies ampliorem locum efflagitant: ex uno thuris grano,
aut alterius gummi odoriferi prunis injecto, amplum loci spatium odore
suavi repletur. Unde liquet modicum sanguinem sufficere ad spiritus vita-
lis productionem, qui à dextro cordis sinu in sinistram fertur per septum
medium inæquale, foveis exasperatum, & veluti cancellis & cuniculis re-
fertum, versus mucronem conspicue periculum: quod eo fine debuit esse
foraminosum & cuniculosum, ut instar cribri tenuissimam tantum sangui-
nis partem percolaret, quæ generando spiritui & arterioso sanguini maxi-
me idonea & sufficiens est, veluti per colum pauxillatim stillatimque tra-
jecta, quæ cum coquitur intumescit & rarefit, atque cum spirituosam na-
turam induit multo amplius spatium expostulat, proindeque cor & arterias
replet & intumescendo distendit, quamvis in iis exigua quantitate conti-
neatur: ubi etenim deferbuit æstus in demortuis paucus admodum in ar-
teriis aut nullusprehenditur, quia præ tenuitate dissipatus fuit, qui in
vivente licet pauxillulus attramen fervens arterias replet intumescendo,
postquam autem resedit quievitque fervore remisso modicellus conspici-
tur, qui in corde contentus pluribus pulsationibus potest sufficere. Cor vi-
peræ exemptum per viginti horas pulsat nullo accedente sanguine.

IV.

FRUSTRA harveius minorem sanguinis circulationem commen-
tus est, à venâ arteriosâ per pulmones sanguinem trajiciens, & per
venosam arteriam in læyum cordis thalamum reflectens, ut sufficientem
sanguinis copiam subministrat cordi & arteriis ad pulsus editionem. Quæ
trajectio est *ἀνεπιχρήσιμος*, quoniam venæ arteriosæ propaginum fines, nul-

latenſus pertingunt ad ofſicia arteriæ venoſæ, ſed oppoſitum ſitum obtinent illa vaſa: diverſa eorum ſtructura, iſdem uſibus non inſervire declarat; nec per pulmonis ſubſtantiam traducitur ſanguis univerſus, quam nimium premeret quantumvis laudabilis & reſpirationem interpellaret, tene-ram vitioſus inquinaret & deſtrueret, ſicque compateretur omnibus partium omnium ægreditudinibus, & omnibus corporis obtrueretur inquinamentis; hæmoptiſis frequenter accideret, ſanguine aſperam arteriam faciliùs ſubeunte quàm lævem quia amplior eſt & ſemper patet. Pulſus à calore perfici non poteſt, quamvis calor ebullitionem & *πυράσσειν* promoveat, pulſationis tamen cauſa efficiens primaria eſſe nequit; ita enim vena cava cordi vicina valde calida pulſaret, exiles arteriæ in extremas partes deſinentes, pulſu deſtituerentur, ut porè minùs calidæ. Syſtole nunquam eſſet major diaſtole, ſi ſolà diſtentione pulſarent arteriæ. Cor & arteriæ non dilatantur quia implentur, ſed implentur quia dilatantur, quoniàm pulſus naturalis eſt, violentus autem eſſet, ſi repletio ſolùm atque vitalis ſanguinis *ὀγκωσις* eſſet cauſa dilatationis, & à ſanguine cor impulſum ſaliret. Fibræ cordis declarant non fieri pulſum ab ebullitione ſanguinis, quia ut aliquid moveatur ad motum alterius, fibris non indiget. Si à ſanguinis impulſu moveretur cor, non poſſent arteriæ ſimul cum corde dilatari, & eodem tempore cum corde conſtringi: ſed compreſſo corde ab excluſo ſanguine in ſyſtole arteriæ impellerentur & dilatarentur. Quod experientiæ repugnat qua conſtat admota manu mammæ ſiniſtræ perſentiri cordis diaſtolem, & carpo arteriæ diſtentionem. Cordis pulſus eo loci ſentitur à baſi dilatata, non à mucrone pectus feriente, proindeque eſt diaſtoles non ſyſtoles motus, quia in fine ſyſtoles cor cono ſuo oblique feriens centrum nerveum diaphragmatis, non poteſt thoracem percutere, ſed tantum dum inde reſilit in diaſtole, in qua quod de latitudine amiſerat in ſyſtole, id in rotunditate recuperat, baſi ſua cum adjuncta aorta pectus tangit, ac molliter percutit, iſ ſitus ſiniſtri cordis ventriculi, & arteriæ magnæ ab eo oriundæ declarat, quæ ſimul dilatata ſuſum elevantur & papillam ſiniſtram feriunt, ad quod præſtandum longitudo cordis nocet, quia cum longitudinem recuperat demiffus ſit, nec poteſt mamillam tangere, à qua recedit, centrum diaphragmatis nerveum feriens; nec limites ei à pericardio impoſitos transgredi poteſt, quod undiquaque circulo nerveo diaphragmatis firmiter alligatur, & adeo valide parte inferna conjungitur, ut in ea capſula contentum cor præſcriptos ei cancellos prætergredi nequeat, proindeque nec mammam percutere. Quod omnibus anatomes peritis demonſtrat *αἰσθητοῦ* eſſe circularem ſanguinis motum.

V.

MOTA parte continui ſolidi duri, cæteræ eodem motu cientur, quod liquidis corporibus denegatum eſt; ut in aqua conſpicimus, in qua unda undam pellit ſucceſſive: quod exiſtit maniſeſtius cum liquida ſubſtantia mollibus coeretur canalibus, in quos impetum facere poſſunt contenta corpora, eoſque ampliare, cum in locis non continentur anguſtis,

ἀπὸ τοῦ δεξιῶν proinde est ictu sanguinis à corde prolenntis, dilatata aorta à
 impresso impetu simul & semel omnes arterias etiam in extremis partibus
 fitas impelli & pulsare. Impetum, res molles quales sunt membranosae,
 consimilem nequeunt excipere, qualem res solidae & duræ, quia flexiles
 sunt, eoque minus quo in plures divaricantur ramos superos, inferos, dex-
 tros, sinistros, anticos, posticos: adeo ut inistis anfractibus elidatur facile
 & eludatur impetus, qui rerufus & imminutus in sequentibus arteriis eun-
 dem motum excitare non potest, ut experientia constat, exemplo mo-
 tus projectorum: id confirmante determinata cujusque activitatis sphæ-
 ra. Corpus non potest in instanti ferri in distans ratione quantitatis qua
 præditum est. Dum sanguis à corde pellitur in aortam, nequit momento
 illa sanguinis portio ferri in extreimas arterias: nec corde elevato satis du-
 ræ sunt arteriæ, ut propter continuitatem simul attollantur: nec cor tam
 valide movetur, ut secum trahere possit tam multiplices arteriarum di-
 varicationes, non rectas solum sed obliquas, & contortas atque amba-
 giosas. Motus ille non potest non esse successivus, sive cor spectemus, ar-
 terias & sanguinem, & undosus pulsus contingeret, profluente undarum
 in morem sanguine in arterias: prius igitur moverentur arteriæ vicinæ
 cordi, posterius remotiores, quia prius sanguinem impellentem excipe-
 rent, aliæ posterius, & dum proximæ cordi dilatarentur, remotiores con-
 stringerentur, unde pulsus exurgeret ἀπὸ τοῦ δεξιῶν & ἀπὸ τοῦ αὐτοῦ, & pro quantita-
 te influentis sanguinis, vel effervescentiæ majoris modo major modo mi-
 nor pulsus existeret, nec rhythmus unquam servaretur. ἀκατάλληλος est
 sanguinem ab arteriis in venas transire, cum desint anastomoses plerif-
 que in locis arteriarum cum venis, & plurimæ etiam venæ arteriis destitu-
 tæ sint, quæ ab iis sanguinem repetere non possunt, sed ab hepate depromunt.
 Si per medias carnes sanguinis transitus fieret, ecchymoses perpetuo
 contingerent & inflammationes. Sanguis è suis conceptaculis exiliens cor-
 rumpitur, suppuratur, livescit, aut in grumos concrefcit, ὡς ἐστὶν καὶ τὸν αἷμα
 χυτὸν ἀπὸ τοῦ σώματος, ἀπὸ τοῦ ἐκαστοῦ σώματος. ἀμήχανον esse vertiginosum illum sangui-
 nis motum, & in circulum tortum, inæqualitas inter fluxum sanguinis per
 arterias & refluxum ejusdem ad cor per venas, insinuat: celerius enim
 per arterias movetur, quàm per venas ob pulsum, sanguinis tenuitatem,
 spirituum copiam & valvularum absentiam, quæ in venis sanguinem re-
 morantur & ἀπὸ τοῦ αὐτοῦ ἀνατοκὺν καὶ σπινθὴν declarant, quia impediunt analogiam quæ
 deberet esse inter affluxum & refluxum sanguinis; quas tamen pro reciproca-
 tionis sanguinis fundamento statuit harveius. Ligaturæ sanguinem non
 esse κακὸς λόγος probant evidenter, quia motus sanguinis ad vinculum est
 contra naturam, violentus & artificialis. Quia ligaturæ ligaturas solvunt.
 Statica circulationis falsitas & impossibilitas confirmatur, observationes
 proponunt circulatorum aucupes quæ observari non possunt, experientiis utun-
 tur fallacibus & offensatricibus causam pro non causa fumenres: eosdem ef-
 fectus tribuentes rebus contra naturam, ac naturalibus. Eorum luctuosa
 & fallaciofa experimenta sunt irritamenta naturæ, quæ lacerata alio modo

se gerit, quam quando libera est & sui juris, atque ab omnibus laceſſenti-
 bus expedita. Fidelitatem in eorum relationibus deſideramus, quæ ἀ-
 σθητα continent. In ἀεὶ ἀποδέρχεται, motus ille rapidus ſanguinis tornatilis, in
 manuum venis à caliditate tumentibus οὐδὲν ἐπὶ τῶν αἵματι etiam adhibitis con-
 ſpiciliis deprehendere nuſquam potuerunt, nec reſreſſus ſanguinis à par-
 tibus infernis ad ſupernas ab oculatiſſimis etiam linceis oculis præditis, quia
 imaginarius eſt, fabuloſus, nec in rerum natura poteſt exiſtere rationi & ſen-
 ſui oppoſitus, proindeque ἀπὸ τοῦ ἀντικειμένου, & ἀπὸ τοῦ ἀντικειμένου.

Ergo motus ſanguinis circularis eſt impoſſibilis.

Proponebat Lutetiæ FRANCISCUS BAZIN;
 Conſtancienſis, A. R. S. H. MDCLXXII.

P A R I S I I S,

Ex Typographiâ FRANCISCI MUGUET, Regis &
 Illuſtriſſimi Archiepiſcopi Typographi, viâ Citharæ.